

نه لکی در سعادت ایچون مجیده
بکرمی غروش حسابیه التمش
غروشدر

طمره ایچون پوسه اجرئی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تعیین و تحویل

درامه سنجانی بدایت محکمه سی باش کتابته
محکمه مذکوره باش کاتب معاونی و یسل نهاد افندی تعیین
اولنمشد.

تبلیغات

مدیونک قید رسمی منظوقجه عهده تصرفده
اولوب محکوم به دیندن طولای دائره اجراجه موقع
مزایده به قونیلان خانه حصه سنه دیگر طرفدن
برقطعه وصیتنامه ابرازیه در میان اولسان استحقاق
دعواسی اوزرینه اتخادی لازم کلان معامله نک تعیینی
بعض طرفدن وقوعبولان اشعارادن مستبان اولسنه
بناء کیفیت انجمن عدلیه جه لدی التذکر دین ایچون
اموال غیر منقوله نک صورت فروختنی ارايه ایدن
نظامنامه نک اون اوچنجی ماده سی مندرجاتندن استنباط
اولنمیدنی اوزره مزایده به وضع ایدلمکده اولان
بوقیل غیر منقولات حقنده شخص آخرک استحقاق
ادعاسنده بولنهرق مزایده دن صرف نظر ایدلمسی
یولنده وقوعبولان طلبی جهت تصرفیه عائد دعوی
حادثه شکل و صورتنده اولمسی اعتباریه قید رسمی به
مستند اولان معاملات اجرائیه به قارشو مدعیسنک
تأخیر مزایده دن متولد ضرروزیانی ضامن اولمق
شرطیه استحصال حکمه مجبوری بدیهی و علی الخصوص
مبرز وصیتنامه نک تنظیم و تصدیق امرنده مقررات
اخیره احکامه وسند رسمی ایله تصرف اولنور غیر
منقولاته تعلق نقطه سندن و قتیله دفتر خاقانی اداره سنه
بالمراجعه قیدینک تصحیح ایتدیرلمسی حقنده متخذ
ومرعی اصول وقاعده به رعایت اولنوب اولنمیدنی
کیفیاتنک دخی ذات دعواجه حائز تأثیر اولمسندن ناشی
تدقیق و محاکمه به احتیاجی طبیعی بولنمش اولدیغندن
طرفینک محکمه به سوقی زویریه جک مهمل مناسب
ظرفنده تأخیر مزایده بی ناطق علم و خبر ابراز

اولنمیدنی تقدیرده معاملات تنفیذیه نک دوام جریانی
لازم کله جکی بیان واقعه اولنمشد.

محاکمه قضاة

محکمه تمیز حقوق دائره سندن تنظیم واعطا
اولنان اعلامدر:

عربسون قضاة تابع سینه صون قریه سی اهلایسندن
اولوب الیوم غلطه ده مغازه سنده ساکن پولیچه جی
پانده لی خریستیدیس ایله قریه مذکوره اهلایسندن
شلتک اوغلی یوان بپنده متحدث دعوايه دائره عربسون
قضاسی بدایت محکمه سندن ۱۶ حزیران سنه ۳۲۲
تاریخی و بش عددی ایله ویریلان اعلام مرقوم پانده لی
طرفدن تمیز ایدلمکله باش مدعی عمومیلک مأموریت
بهیه سنک مطالعه نامه سی آلدقندن صکره اعلام مذکور
طرفینک اعتراض و جواب لایحه لریله برابر بالمطالعه
تدقیقات تمیز به اجراسنه ایتدار قلندی.

اعلام مذکورک خلاصه مندرجاتی مرقوم یوانک
پانده لی خریستیدیس ذمتده باسند مطلوبی اولان
اوتوز عدد لیرای عثمانینک تأمین استیفاسی ضمتده
مرقومک اموال غیر منقوله سی حجز ایتدیره جکی صره ده
مبلغ مذکور قاش پدیری قسطنطنیوس طرفدن ارکوبلی
هاجی ایتیم افندی به باسند رسمی نقداً دیپوزیتو ایدیلرک
محکمه جه ده غیر منقولاتک حجزندن صرف نظرله مبلغ
مذکور اوزرینه وضع حجز ایدلمش اولدیغندن موضوع
حجزک تصدیقیله مبلغ مذکورک تحصیلی طلب و ادعا
و برقطعه سند ابراز واعطا ایتسنه قارشو مدعی علیه
پانده لی دخی کندوسی صنف تجاردن بولنسنه نظراً
علیهنه اقامه اولنان دعوانک رؤیتی محکمه تجارتیه عائد
اولدیغنی مدافعه تذکار ایتسی و لاجل المحاکمه اخیراً
تعیین قلنان کونده مدعی علیه مرقومک محاکمه به ورود
ایتماسی اوزرینه وکیل مسخر حضوریه در میان اولنان
وظیفه اعتراضک بالتدقیق ردینه قرار ویرلکدن صکره

غیاباً سبق ایدن محاکمه و تدقیقات نتیجه سنده مدعینک
برمنوال محرر طلب و ادعا ایتدیکی اوتوز عدد لیرای
عثمانینک عندالاعتراض مدعی علیه استکتاب و تحلیفه
تعلیقاً تاریخ سندن اعتباراً ایام ماره قاضی اولان بیک
یدی یوز الی غروشله بالغ اولدینی درت بیک یدی یوز
الی ایکی غروشک اصول محاکمه حقوقیه قانوننک
ایکیوزسکسان طقوزنجی و ایکیوزطقسانجی ماده لری
موجبجه لیرا یوز غروش حسابیه مدعی علیه مرقوم
پانده لی خریستیدن مع فائض تحمیلله شخص ثالث
مرقوم یدنده بولنان آخه اوزرینه موضوع حجزک
تصدیقته حکمدن و مستدعینک اشبو حکم علیه نه
لایحه سنده محرر باشلوجه اعتراضی کندوسی صنف
تجاردن بولنسنه کوره دعوانک تجارت محکمه سنجه
رؤیتی مقتضی ایکن خلاف وظیفه اوله رق حقوق
محکمه سنجه رؤیت و حکم اولنسی مغایر قانون اولدیغندن
بخنله اعلامک نقضی استدعاسندن و لایحه جوابیه مؤداسی
اعتراضات مسروده نک غیر وارد ایدوکی بیابیه ردی
واصول و قانونه موافق اولان اعلامک تصدیق طلبندن
و آف الیایان مطالعه نامه مندرجاتی دخی اثنای محاکمه ده
در میان ایدیلان وظیفه اعتراضی اوزرینه مدعی عمومینک
بالمداخله مطالعه سنک استفساری احکام قانونیه اقتضا
سندن ایکن مأمور مومی الیهک محکمه ده حاضر
بولندیرلماسی مغایر قانون ایدوکی بیانندن عبارت
بولنمشد.

ایجابی مذاکره اولندقدده اعلام مذکور مآلندن
منفهم اولدینی اوزره مدعی علیه مرقوم صنف تجاردن
اولسنه کوره دعوی مذکوره نک مرجع رؤیتی تجارت
محکمه سی ایکن خارج از وظیفه حقوق محکمه سنجه
رؤیت و حکم اولنسی مغایر قانون اولدیغندن اصول
محاکمه حقوقیه قانوننک ایکیوز اوتوزایکنجی ماده سی
موجبجه اعلام مذکورک تفضیلله قانون مذکورک
ایکیوز قرق اوچنجی ماده سی موجبجه کیفینک عائد
اولدینی تجارت محکمه سنه حواله سنه ۱۴ نیسان سنه ۳۲۳
تاریخنده متفقاً قرار ویرلدی.

۶۲۵ نومرولی نسخه ده مندرج در سعادت

جنایت محکمه سی اعلامنک مابعدی :

متهامندن آندون شاهد مرقوم حسنینک دکاننده بیتوت ایتکده اولدینی جهته شهادتی قبول ایتمه چکنی وشاهد مرقومه ایکی اوچ کون مسافره حسنینک او طه سنده قلش ایسه ده کندوسی خانه صاحبی بولندینی جهته دائمًا خانه سنده اقامت ایدر اولدینی تذکار ویراسیمو دخی سکوتی اختیار ایلدیلر .

صنایع بحریه آلینک اوچنچی طابورینک بشنجی بلوکنده کدکلی ثالث فستیه مستخدم وبوغاز کسانده حسن بک قهوه خانه سی اوزرنده براوده ساکن اوتوز بریاشنده طرزونی علی عثمان افندی ابن احمد حسن بک قهوه خانه سنده آیاقده بولندینی صروده محلیجی عصمت آغانک دکانی اوکنده اوچ کشینک منازعه ایتدیکنی کورده ک باقدیننده منازع لردن حسینی طانیوب دیکر لرینک برسی ایری دیکری قیصه بویلی طانیودینی اشخاصدن ایدوکنی و مرقوماندن قیصه بویلی شخصک حسینی جا کتندن طوته رق ایکینی یره دوشملرله اوزون بویلی شخصک اوچ درت دفعه حسنینک آرقه سته بجای صوقوب چیقاردقن صوکره حسنی افدینک سیلکنوب مرقومانک اللردن قورنلسیه اورلدم دیوباغره رق قره ماش زقاغه قاجسنی معقب آندون دینلان اوزون بویلی شخصک دخی طوبخانه یه طوغری فرار ایتدیکنی کوردیکنی بیان و عند الاستضاح اسملری ذکر اولتان اوزون بویلی حضور محکمه ده کی متهاملدن آندون وقیصه بویلسنک دخی براسیمو اولدینی درمیان ایلدی .

متهاملر شهادت آفقه یه قارشو سکوتده بولندیلر . در سعادت برنجی جزا محکمه سی ضبط کتبه سندن طوبخانه ده اتمکچی باشی محله سنده برخانه ده ساکن یکرخی یدی یاشنده آستانه لی توفیق بک ابن حسن افاده مضبوطه استطاقیه سته موافق اوله رق وقعه کونی اخشام ساعت اون بر راده لرنده واسیلک قهوه خانه سنده او طور مقده ایکن برکورتلی ایشتمی اوزرینه طیشاری یه چیقوب باقدیننده جاده نک اورته سنده برفس ایله او جوارده متهاملدن براسیموی وجهاً متغیر اولدینی حالده کوردیکنی معقب مشتکی حسنی افدینک قره ماش زقاغسندن طوغری باشی آچی وصول الی بوکرده واکه طوغری مللو اولدینی حالده کلوب ورده کی فسی آوب کیدیکنی ویراسیمو ایچون بی اورانلردن برسییده بودر طوتکز قاجر میکز دیدیکنی وبورصده براسیمو یواش یواش قهوه خانه یه کیروب برشی سولیدیکنی وحسنی افندی قهوه خانه نک اوکنه کلرک تکرار براسیمو

ایچون قاجر میکز بورادده در طوتکز نفس آله میورم دیو مرقومی مأمورین ضابطه یه ارئه ایتدیکنی وایلکلی اولیان بک وجا کتی آچدیننده اوموزندن کو بکنه قدر یتیتی قان ایله ملمع اولدینی کوردیکنی بیان وشهادتنک حضور محکمه ده کی متهامندن براسیمو حقدده اولدینی ضمیمه آتین ایتدی .

متهامندن براسمو سبب بیان ایتکمیزین بوشاهدک شهادتی قبول ایتم دیدی .

طوبخانه ده بوستان ایچنده علینک خانه سنده ساکن قرق ایکی یاشنده آستانه لی قهوه چی اسماعیل بن مصطفی دخی وقعه کونی ساعت التی راده لرنده واسیلک قهوه خانه سنده او طور مقده ایکن مرقوم واسیل ایله متهاملر آندون ویراسیمو سکر حال اوله رق ایچرویه کیردکلرنده آندون ویراسیمو بورانک صقالی حسنی واکینلی محمد ناملرنده قبادیلیری واریتمش زرده درلر بز کلده واسیل حقدده هانکی قبادی لاف ایدر بک بوکون اشقی آدم اولدیرمک ایچون کلده دیملرله واسیل ایله مرقومانک اغرنی قادینی ویراسیمونک کندوسندن آتش ایشتمسیه وکندوسی قهوه چی اولدینی بیان ایشتمسیه مرقوم براسیمو کندوسنه دخی اطاله لسانده بولندینی و مرقومانک بحال لردن برفسالق چقه جغنی حس ایدرک خانه سته کیتدیکنی اتیان و عند السؤال مرقومانک منازعه لرینی وماده جرحی کورماش ایسه ده سوء قصد لرینک حسنینک دکاننده بعض کسانه عشرت ایتدیر ماسمنی واسیله اخطار ایتسندن نشأت ایتش اوله جغنی وشهادتنک حاضر بولتان متهاملر حقدده ایدوکنی علاوه بیان ایلدی .

متهاملدن براسیمو بو آدم آبدالر دیدی و آندون دخی دیه چکی اولدینی برآوردن زبان ایلدی .

دیکر شاهد قسطنوبلی القش بش یاشنده حسین چاوش بن خلیلک معلوم اولیان یعنی قسطنوبینک نرمی اولدینی اکلاشیه میان مسقط رأسه کیتدیکنی جلبنامه سی زرنده محرر شرحدن مستبان اولغله معاون مومی الیهک طلیله استطاقیه سنک قرائته قرار ویرلرک اوقوتدیرلر قده بر چهارشنبه کونی ساعت اون ییچ راده لرنده دکاننک اوکنده طوریور ایکن براسیمو و آندون حسن بک قهوه خانه سی اوکنه کلرک قهوه خانه نک ایچنده بولتان حسینی چاغروب هراوچی برلکده قولشهرق کراسته چی دکاننک اوکنه قدر کیدکلرینی ومحل مذکور قهوه خانه یه اوزاق اولق حبسیله ینلرنده سبق ایدن ماجرای تمامیه اکلا به مامش ایسه ده ایشتمیکنی کورتلی اوزرینه باقدیننده آندونک حسنینک قفاسنه بریومروق اورمسیه جان آجسیله حسنی یره اکیه رک یردن

طاش آلق ایستدیکنی وطوغری بولر ایکن براسیمو حسنینک صاغ قولندن طوته رق و آندون دخی مرقوم حسنی قوجاقلایه رق بجای ایکی ویا اوچ دفعه صوققسنی معقب هر فصله مرقومانک اللردن مجروح حسنی افدینک قورتیه بیلوب قاجدینغی ومجروح قاجنجه مرقومان اون بش خطوه قدر ده تعقیب ایتدکدن صوکره بولردن آندونک السده بجاق اولدینی حالده آشانغی طوغری کیتدیکنی ویراسیمو دخی کیرو دونوب استاورینک قهوه خانه سته کیردیکنی ومجروح حسنینک امان اورلدم طوتک دیدیکنی کوروب ایشتمیکنی سولش اولدینی مین ایدوکی منفهم اولدی .

قرائت اولتان افاده یه قارشو نه دیه چکری متهاملدن صورلقدده آندون زمان وقعه اولق اوزره شاهد لرک بری ساعت اون ییچ ، بری اون بر ییچ و دیکری قان ساعتده دیدکلرنده افاده لرنده مابیت اولدینی و بنا علیه قبول ایدمه چکنی تذکار ویراسیمو ایسه سکوتی اختیار ایلدی .

آلت جرح اولان ییچاق دائره اماننده بولدریلر مامش اولغله ایجاب ایدلره ارئه قلته مدی .

(مابعدی کله چک نسخه یه)

آرتا کینک واسلی ضرب و جرح ایتدیکنی ثابت اولدینندن صغرنی حبسیله ولسنه تسلیمه آلسا وینک هاء الدین افندی بی ضرب واطاله لسان ایتدیکنی ثابت اولدینندن اون کون مدته حبسنه امینه خانمک هاجر خانمی ضرب ایتدیکنی ثابت اولدینندن بر آتون آله رق مضروبیه ویرلسنه علینک ساعت وقوردون سرت ایتدیکنی تبین ایدن ایلیانک اوچ آی مدته حبسنه و ختام مدت جزایه سنده ضابطه جه کفاله ربطه

ایلیا ووانطوره نک آسپاسیانی ضرب ایتدکلری ثابت اولدینندن بر آتون آلتوب مضروبیه ویرلسنه احمدک اجرای وظیفه حالنده عارف افدینک مجروحیتیه سبیتی اکلاشیه میوب اشقی حقارت ایتدیکنی ثابت اولدینندن بر آتون جزای نقدی آلتسنه اوزونینک ساعتی سرت ایلدیکنی تبین ایدن حسنک اوچ ماه مدته حبسنه و ختام مدت جزایه سنده ضابطه جه کفاله ربطه

عثمانه اطاله لسانه برابر ضرب ایلدیکنی تبین ایدن پولیس قومیسری خیری افدینک برماه مدته حبسنه

موسانک میناه انکلز لیراسی دیه مانغیر ویرمک صورتیه طولان دیردینی ثابت اولدینندن اوچ ماه مدته حبسنه و بر آتون جزای نقدی آلتسنه دیوارچی یورکینک اموال منقوله سته ابراث خسار ایلدیکنی تبین ایدن طوغرامه چی دیکر یورکیدن اون بشلک جزای نقدی آلتسنه فانی ضرب ایلدیکنی اقراریه ثابت اولان قوندیره چی قوچونک اون کون مدته حبسنه ملتیا دینی اجرای مأموریت حالنده ضرب ایلدیکنی تبین ایدن پولیس قومیسری احمد افدینک بر ماه مدته حبسنه

علی افندی بی ضرب و جرح ایلدیکنی ثابت اولان صبری افدینک اون بش کون حبسیله برابر بر ییچ آتون آلتوب مومی الیه علی افندی یه ویرلسنه خرسو ایله یورکینک اشپاسنی سرت ایتدیکنی تبین ایدن مانوک اوچ ماه مدته حبسنه و ختام مدت جزایه سنده ضابطه جه کفاله ربطه

واسیلی ضرب ایدن پانده لیدن بر ییچ آتون آلتوب مضروبیه ویرلسنه اوزرنده سلاح طاشیدینی تبین ایدن یونانی آندریادن بش بشلک جزای نقدی اخذینه غلطه ده ساکن لامبونک خلاف ممنوعیت اوله رق

لوتارییه جیلق ایتدیکنی ثابت اولدینندن بش بشلک جزای نقدی اخذینه هر یقلیانک آتون قوردونیه پلازمه سنی سرت ایلدیکنی تبین ایدن لوله جیله لره ساکن ترزی دیمترینک اوچ ماه حبسیله برابر ختام مدت جزایه سنده کفاله ربطه

خدیجه خانمی ضرب ایدن قره مان محله سنده ساکن فطنت خانمک اون بش کون حبسنه رژی قولجیسی خیری اغانی ضرب ایلدکلری تبین ایدن عاقل افندی بن حسنینک اوزر کون حبسلرینه پدری ایله کریمه سی فریدینی ضرب ایلدیکنی تبین ایدن قاسم باشاده ساکن عزتک بر ماه حبسنه یوسفک جاملرینی قیردینی ثابت اولان غلطه ده ساکن واسیلدن اون بش بشلک جزای نقدی اخذیه برابر جام بدلی اولق اوزره اون غروشک تحصیلیه مرقوم یوسفه اعطاسنه

صاری محمدی ضرب ایلدیکنی شهادته تبین ایدن قاسم باشاده ساکنه فاطمه خانمندن بر آتون آلتوب مضروبیه اعطاسنه

صلاح الدین افدینک اسماعیله اطاله لسان ایتدیکنی ثابت اولدینندن بر آتون جزای نقدی آلتسنه سلیمک نخیبه یی ضرب ایتدیکنی ثابت اولدینندن بر آتون آله رق مضروبیه ویرلسنه

باسقالک آمانوئیک اشپاسنه ابراث خسار ایتدیکنی ثابت اولدینندن اون بشلک جزای نقدی اخذیه برابر اشیا بدلی اولان بشیوز غروشک بالتحصیل مدعی یه اعطاسنه

عزت پهلوانی ضرب و جرح ایلدکلری ثبوت بولان عبد الکرم افدینک اوچ ماه و پولیس محمد افدینک دخی ایکی ماه مدته حبسلرینه بک اوغلی بدایت محکمه سی جزا دائره سندن قرار ویرلشدر .

محاکمات انتباهیه

حمیده قضایی ناجی و بدایت محکمه سی رئیس علی رضا و محکمه مذکوره اعضا سندن الیاس واعضالق وکالتنده بولش اولان برنجی کاتب بکر افدیلرک بر تارلا دعوا سندن طولانی مخالف قانون قرار اعطا ایتک صورتیه وظیفه لرینی سوء استعمال ایلدکلری آطنه ولایتی استیفاف محکمه سی مدعی عمومیلکندن وارد اولان اوراق تحقیقه محتویاتندن مستبان اولسنه مبنی محاکمه آلتیه آنلرینه عدلیه نظارت جلیله سندن مآذونیت ویرلرک مذکور مدعی عمومیلک تبلیغات مقتضیه اجرا ورئیس مومی الیهک کیفیت محاکمه سندن طرف عالی مشیختنهای یه ده معلومات اعطا قلنمشدر .

کوش حاجی کوی قضایی ناجی و بدایت محکمه سی رئیس سابق حاجی لطفاه و محکمه مذکوره اعضا سندن مستطلق حاجی سید ومستطلق معاونی محمد افدیلرک مواد معینه ده علی الدرجات وظیفه مأموریتلری سوء استعمال ایلدکلری سیواس ولایتی استیفاف محکمه سی مدعی عمومیلکندن وارد اولان اوراق تحقیقه محتویاتندن مستبان اولسنه مبنی محاکمه آلتیه آنلرینه عدلیه نظارت جلیله سندن مآذونیت ویرلرک مذکور مدعی عمومیلک تبلیغات مقتضیه اجرا ورئیس مومی الیهک کیفیت محاکمه سندن طرف عالی مشیختنهای یه ده معلومات اعطا ایدلشدر .

الانبات

در سعادت استیفاف مدعی عمومیلک مأموریت بره سنده : سرت ماده سندن متهامل فراری یونانی دیمستونی یورس حقدده اصول محاکمات جزایه قانوننک اوچ یوز یتیش برنجی ماده سی موجبجه معامله مقتضیه ایضا و محاکمه غایبه سی بالا اجرا نتیجه سنده مرقومک ریستول اولتنده بولتان رشید معطران بکک او طه سندن ساعت سرت

ایتدیکي تین ایدرک مرقومک کیجه وقتی آدم اوتوریر
محلدن اشیا سرقت ایتک فعلنک فاعلی اولدیغنه وقانون
جزانک اکیوز یکریمی ایکنجی ماده سنه توفیقاً برسنه
مدتله حبسنه محکمه جنایتدن قرارویرلمش اولغله اعلان
کیفیتیه ابتدار قلندی .

—*—

ایکنجی تجارت محکمہ سنه :

چارشوی کیرده نومروسز دکانده اجرای
تجارت ایتکده ایکن ۵ تشرین ثانی سنه ۳۲۳ تاریخده
اعلان افلاسنه حکم اولنش اولان کاوساله جی ابراهیم
افندینک مصالح افلاسیه نك رؤیت وتسویه سی رؤیت
ضمننده اعضای محکمه دن عزتو یاتقوا افندینک
ژورقومیسر ودعوی وکیللرندن قره بت ایحیان ایله
یونطوف آمون افندیلرک موقت سنديک تعیینلرینه
ومغازه سیله اشیا زائده بیتیه سنک تمهیرینه واوراق
ودفاترینک جلبنه وکفالت مصدقه ارايه ایدمه مدیکی
تقدیرده حبس وتوقیفنه وبوبابده کی قرارک موقتاً
اجراسنه ایکنجی تجارت محکمه سنجه قرار ویرلمش
اولدیغندن قانوننامه تجارتک ۱۷۰ نجی ماده سی
موجبجه دائمی سندیکلر انتخاب اولنق اوزره اشبو
۳۲۳ سنه سی تشرین ثانی سنک اون طقوزنجی بازار ایرتسی
کونی ساعت یدی راده لرنده اصحاب مطلوبک محکمه
مذکوره نك مصالح افلاسیه رؤیتنه مخصوص اوطه سنه
کملری اعلان اولنور .

—*—

اهومات شرعیه اجرا داره سنه :

حاجی حسین حسنی افندینک مصطفی شکری
افندی ذمتنده بااعلام شرعی آله جنی اولان
مبالغ معلومه نك تأمین استیفاسی ضمننده مدیون
مومی الیهک عهده سنده اولوب محجوز واعلام نظامی
ایله فروختی محکوم بولنان خواجه پاشا قربنده قره کی
حسین چلی محله سنده میرمیران مرحوم محمد پاشا
مکتب وسیلی قارشوسنده خداوندکار جاده سنده
تراموای یولنده واقع یدی نومرو ایله مرقم براب
کارگیر خانه نك تمامی بوندن اول لدی المزایده لیرای
عثمانی یوز غروش حسابیله سکزیبک غروشده طالبی
اوزرنده تقرر ایتمش اولدیغندن یوزده بش ضم ایله
بوندن زیاده یه طالب اولانلرک واطرافلیجه معلومات
آلق ایستیلرک اشبو تاریخ اعلاندن اعتباراً اوتوز بر
کون ظرفنده درسعادت اعلامات شرعیه اجرا
دائره سنه مراجعت ایللری صوک دفعه اوله رق اعلان
اولنور .

—*—

محکمہ تجارت اجرا داره سنه :

بقله جی اوغلی قسطا کینک دوپدو اوغلی یواناکی
افندی ذمتنده محکمه تجارت اعلامیه غیر از استیفا
متبانی مطلوبنک تسویه سیچون استانبولده یکی جامع
شریف جوارنده شیخ محمد کیلانی محله سنده بالیق
پازاری جاده سنده فوقنده اوچ باب اوطه ومشمولات
سائره یی حاوی شهری یدی لیرا ایجار کتورر ۱۰۵
نومرولو مغازده مستقر بقال کدکنک یوزیکرمی سهم
اعتباریله اون بش سهمک تکرار یکریمی سکز سهم
ترتیبیله مدیون مومی الیهک متوفی پدرندن منتقلاً
متصرف اولدیغی یدی سهم حصه سی بوندن اقدام
موقع مزایده یه قونیله رق عثمانی لیراسی یوز غروش
حسابیله اوچبیک اوچوز غروشده طالبی عهده سنده
قالمش واشبو تشرین ثانی رومینک اونندن اعتباراً
اوتوز بر کون یعنی کله جک کانون اول رومینک اون
برنجی صالی کونی ساعت اونده قدر یوزده بش ضم
قبول ایدلسی و ذکر اولنان یوم وساعتده صوک
مزایده سی بالاجرا قرار قطعسی ویریلرک طالبی
عهده سنه کچورلمسی مقرر بولنش اولدیغندن وآنندن
صوکره هر نه ضم وقوعبولور ایسه قبول اولنیه جغندن
مذکور حصه یه یوزده بش ضمیله طالب اولانلرک
وبالاطراف معلومات آلق ایستیلرک مدت مذکوره
ظرفنده بدل مزایده نك عشرینه مساوی پی اچقه سیله
برابر محکمه تجارت اجرا دائره سنه مراجعت ایللری
ویوم ووقت مذکوره مذکور مغازه پیشکاهنده
مأموری مواجهه سنده حاضر بولملری اعلان اولنور .

—*—

درسعادت اعلامات نظامیه اجرا داره سنه :

شناسی مرتضی واحد زاده لرک بااعلام نظامی عثمان
نظام الدین بک ذمتنده حسب الکفاله آله جنی اولان مبالغ
تأمین استیفاسیچون مدیون مومی الیهک پدرندن انتقال
ایده جک اولان بک اوغلنده آصمه لی مسجد محله سنده
جاده کیرده تخمیناً طقوز یوزاللی آرشون عرصه اوزرینه
مبنی ایکی یوزسکسان التی وایکی یوزسکسان سکز نومرولو
بیرا خانه و اوطه لرک یدی حصه دن بر حصه سی اجرا
قلنان مزایده نتیجه سنده لیرای عثمانی یوز غروش
حسابیله اوتوز بیک غروشده طالبی عهده سنده تقرر
ایدرک موقتاً قراردادده سی کشیده قلنمش اولدیغندن
یوزده بش ضم ایله طالب اولانلرک تاریخ اعلاندن اعتباراً
نهایت اوتوز بر کون ظرفنده ومدت مذکوره ختامنده
املاک مذکوره پیشکاهنده مأموری مواجهه سنده حاضر
بولملری درسعادت اعلامات نظامیه اجرا دائره سنه
مراجعت ایللری اعلان اولنور .

—*—

حافظ خلیل افندینک بااعلام نظامی حسنی افندی
ذمتنده محکوم به آله جغه مقابل مرهون وفروختی
محکوم بولنان سلطان سلیم جوارنده دباغ یونس محله سنده
صغوق طلومه جاده سنده تخمیناً اکیوز آرشون عرصه
اوزرینه مبنی ایکی قاتدن عبارت آلت قاتده براوطه
واوست قاتده ناتمام ایکی اوطه وبر صفه ودرتیوز
سکسان آرشون باغچه ودروندنه برقیویی حاوی یکریمی
نومرولو خانه مع باغچه تمامک تاریخ اعلاندن اعتباراً
اون بش کون صکره بالمزایده فروخته تشبث اولنه جنی
درسعادت اعلامات نظامیه اجرا دائره سنندن اعلان
اولنور .

~~~~~

خدیجه دریه خانمک احمد هادی افندی ذمتنده  
آلاجنی اولان مبالغک تأمین استیفاسیچون مومی الیهک  
عهده تصرفنده اولوب مرهون وفروختی محکوم بولنان  
اقسرایده غریبا حسین اغا محله سنده شکرچی زقاغنده  
واقع تخمیناً آلتش ایکی مترو عرصه اوزرینه مبنی  
زمین ایله برابر اوچ قاتدن عبارت بش اوطه برتخته پوش  
وبرمطبخ و برقیویی حاوی اخشاب اون یدی نومرولی  
خانه تمامی اجرا قلنان مزایده نتیجه سنده لیرای عثمانی  
یوز غروش حسابیله طقوز بیک غروشده طالبی  
عهده سنده تقرر ایدرک موقتاً قراردادده سی کشیده  
قلنمش اولدیغندن یوزده بش ضمیله طالب اولانلرک  
تاریخ اعلاندن اعتباراً نهایت اوتوز بر کون ظرفنده  
درسعادت اعلامات نظامیه اجرا دائره سنه مراجعت ایللری  
ومتد مذکوره نك ختامنده قرار قطعسی کشیده  
اولنه جی اولان املاک مذکوره پیشکاهنده حاضر بولملری  
درسعادت اعلامات نظامیه اجرا دائره سنندن اعلان  
اولنور .

—\*—

### بک اوغلی بدایت محکمہ سی اجرا داره سنه :

صوروکنه قادینک بک اوغلی بدایت محکمہ سی  
برنجی حقوق دائره سی اعلامیه کرقرور ولد آغوب  
ذمتنده آله جنی اولان معلوم المقدار مبالغک تأمین  
استیفاسی ضمننده بلاطده کسمه قیا جوارنده حامی  
محی الدین محله سنده آینه لی بقال زقاغنده کاش اوتوز  
سکز نومرولی براب اخشاب خانه و آلتنده کی  
محدث دکانده انتقلاً متصرف اولدیغی ثلث حصه  
شایعه سی حجز آلتنه آلتش اولغله تاریخ اعلاندن  
اعتباراً اون بش کون صوکره بالمزایده فروخته  
تشبث اولنه جنی بک اوغلی بدایت محکمہ سی اجرا  
دائره سنندن اعلان اولنور .